

ادعوني أستجب لكم | #القرآن_حياتي | د. حازم شومان

حازم شومان

القلب ففاض بحب كتاب ان الحمد لله نحمده ونستعين به ونستغديه ونستغفره ونعوذ بالله من شرور انفسنا ومن سيئات اعمالنا. انه من يهده الله فلا مضل له. ومن يضل فلن تجد له - [00:00:00](#)

مرشدة اللهم صل على النبي محمد وعلى ازواجه امهات المؤمنين وعلى ذريته وال بيته انك حميد مجيد. اللهم لك الحمد حمدا كثيرا طيبا مباركا فيه. غير مكفي ولا مكفور ولا مودع ولا مستغن عنه ربنا. يا ربي لك الحمد - [00:00:28](#)

وعدد قطر الامطار. يا ربي لك الحمد عدد ورق الاشجار. يا ربي لك الحمد عدد مكاييل البحار. يا ربي لك الحمد عدد ما اظلم عليه الليل واضاء عليه النهار. الحمد لله عدد ما خلق. الحمد لله ملء ما خلق. الحمد لله عدد ما في السماوات - [00:00:48](#)

وما في الارض الحمد لله عدد ما احصى كتابه والحمد لله على ما احصى كتابه والحمد لله عدد كل شيء والحمد لله ملء كل شيء. اللهم اطعمت وسقيت واغنيت واهدت واجتبيت. فلك الحمد على ما اعطيت. اللهم لك - [00:01:08](#)

لك الحمد كله ولك الملك كله وببيدك الخير كله. واليك يرجع الامر كله. اللهم تب علينا توبة ترضى بها عنا اللهم ارض عنا. اللهم اعف عنا. اللهم يا ربنا استعملنا ولا تستبدلنا انك ولي ذلك والقادر عليه. اما بعد اخواني في الله - [00:01:30](#)

يعني كلنا نسمع عن مصباح علاء الدين. مصباح علاء الدين ده قصة وهمية. يعني ممكن تقولوا قصة خرافية. قصة لما الانسان عجز لقي ان له احتياجات كتير وعاجز انه يحققها. ومش عارف يعمل ايه. اخترع قصة مصباح علاء الدين. ان فيه واحد لقي مصباح كل ما بيعق في مشكلة يعني يستعمل المصباح - [00:01:50](#)

يطلع له واحد يلي له الطلبات بتاعته. سبحان الله العظيم! يعني اخواني في الله احنا عندنا الاعظم من مصباح علاء الدين وواقع وحقيقة وهو اخطر سلاح في حياتنا كلها وهو سلاح الدعاء السلاح الاول كلمة يا رب. اخطر كلمة في قواميس كل لغات العالم هي كلمة يا رب. نص ساعة - [00:02:10](#)

مذاكرة نص ساعة تجارة. نص ساعة تفكير وتخطيط ممكن ما تفرقش في مستقبلك كتير. ولكن نص ساعة دعاء بل ربع ساعة دعاء. بل دعوة من قلب اصابة محب لله سبحانه وتعالى ممكن تغير مستقبلك في الدين والدنيا والاخرة يا اخواني ابواب الارض موجودة وابواب السماء مفتوحة عايزين - [00:02:30](#)

اطرق ابواب السماء عايزين نقرع ابواب السماء ابواب الملك سبحانه وتعالى. يعني يا جماعة احنا كلنا محتاجين الدعاء. كلنا محتاجين كلمة يا رب اوي اوي من كل قلوبنا دلوقتي الطلبة كتير جدا الوقت اللي ممكن يكون عنده امتحان بكرة امتحان بعده. والطالب حتى لو قاعد دلوقتي بيسمعنا نص دماغه مع الامتحان بتاع بكرة - [00:02:50](#)

والنص الثاني مع ثلاث تربيع المنهج اللي لسة ما خلصوش وما هوش عارف هيعمل فيه ايه ؟ يعني اطمنوا يا شباب ان شاء الله بازن الله هتنجحوا يعني سواء السنة دي السنة الجاية السنة - [00:03:10](#)

الي بعدها انما ان شاء الله بازن الله ربنا ينجحكم كلكم. بازن الله السنة دي جميعا يا رب بازن الله. ادعوني استجب لكم. معجزات الدعاء. عايزين نتكلم الليلة عن الدعاء. عايزين نجدد الثقة في قلوبنا بكلمة يا رب. باعظم كلمة في الوجود. باعظم كلمة نزل بها من خزائن الرحمن. معجزات - [00:03:20](#)

وعطاءات. عايزين نتكلم يا اخواني الليلة عن مبهرات كلمة يا رب. عن اثار كلمة يا رب. كلمة يا رب عملت ايه في الحياة؟ عشان نفكر يعني نتجدد احنا الوقتي كله محتاج دعاء يعني احنا كدعاء الى الله العلمانيين والحرب والالة الاعلامية الرهيبة اللي يعني في يد

خروقة لهدم الشريعة الاسلامية. يعني سبحان الله! سيدنا نوح لما في الاخر مش قادر على الاعلام الكفر ضد دين ربنا سبحانه وتعالى. قال لربنا ايه؟ لجأ دعاء ربي اني مغلوب. انا مغلوب يا رب قدام التشويه الاعلامي الرهيب وقدام الحرب الماكنة الرهيبة. انا مغلوب يا رب فانتصر خلاص هاتها من - 00:04:00

يا رب. دعا ربنا بتلات كلمات ربنا نزل له تلات معجزات. واحد ففتحنا ابواب السماء بماء منهمر. اتنين وفجرنا الارض دونا فالتقى الماء على امر قد قدر تلاتة وحملناه على ذاتي الواح ودسر تجري باعيننا معجزات كلمة يا رب اخواني في - 00:04:20
احد اخوانا يعني وانا كل القصص اللي هقولها لكم باذن الله سبحانه وتعالى في درس الليلة يا اخواني باذن الله. كلها قصص واقعية. قصص واقعية قصص حدثت احد آآ يعني اخوانا آآ يعني كان في عمرة من العمرات ونفذ المال بتاعه تماما. وانتم متخيلين يعني واحد في بلد غريبة يعني مش واحد - 00:04:40

مسلا من محافظة ونزل محافظة تانية وفلوسه خلصت لأ ده واحد في دولة تانية وفي عمرة وخلص الفلوس بتاعته. سبحان الله! يعني فالاخ وفضل يطوف حوالين الكعبة ويبكي ويقول يا رب وما هوش عارف يعمل ايه. يعني موقف صعب جدا. جدا ويبكي ويطوف حوالين الكعبة ويقول يا رب الاخ سبحان الله العظيم - 00:05:02

يعني لقي واحد جاي له من وسط الصفوف كده واحد ما هوش مصري. ما هوش شكله مصري. قال له انت محمد؟ قال له قال له ايوا انا محمد. قال له انت مصري فالاخ خاف انه يكون من شرطة - 00:05:22

الترحيلات السعودية يعني اللي هم بيشفوفوا بقى مين اللي ما اللي جوازه عدى مين ؟ يعني بهذا المنزر يعني. وخلاص انا مصري يعني قال له خد المبلغ ده وبازن الله هتقعد معنا للحج. والراجل سابه ومشى يعني الاخ بيقول هو مش عارف اصلا مين الراجل ده. ولا شافه تاني ولا شافه من قبل هذا. يا اخواني سبحان الله - 00:05:32

يعني معجزات الدعاء. ادعوني استجب لكم. قل يا رب. يعني ياما ناس دعت وهي في مواقف زي دي وربنا يرتب لها الفرج بمليون سبب وسبب. وممكن غير سبب الله قادر يا اخواني. قدرة الله المطلقة ادعوني استجب لكم. الكلمة دي عندنا يقين فيها. لو عندنا يقين فيها يا اخواني القصر الكبير - 00:05:52

ادوا عقله الصواع. مفتاح الباب بتاع القصر الكبير قد الصاع او نص الصاع. يعني المشكلة الكبيرة جدا ممكن يكون مفتاحها ركعتين في جوف الليل. ومن قلب صادق يعني في سجدة القلب عاش فيها مع جلال ربنا سبحانه وتعالى ربنا يفرج الكرب. الدعاء عمل معجزات. الدعاء ياما فرط - 00:06:12

الدعاء ياما يعني سبحان الله العظيم لما سيدنا عمر بن الخطاب كان بينها دعوة غريبة جدا جدا وهو في المدينة المنورة خليفة النبي عليه الصلاة والسلام بيقول اللهم ارزقني شهادة في سبيلك. عايز اموت شهيد. خلاص يبقى الفتوحات يا عمر في الشام في العراق وموتة في بلد نبيك. طب ازاى يا عمر يا ابن الخطاب - 00:06:32

يعني ازاى تدفن في المدينة في جوار النبي عليه الصلاة والسلام؟ وفي نفس الوقت تموت شايل المدينة ما فيش فيها قتال ولا فيها حرب. ازاى؟ ربنا يقدر ما قدر الله في مقتل عمر - 00:06:52

عشان بازن الله ينال الشهادة في المدينة المنورة ويدفن بجوار النبي عليه الصلاة والسلام. الله قادر يا اخواني. الدعاء ياما رد مصائب. شوفوا النبي عليه الصلاة والسلام بيقول ايه لا يرد القدر الا الدعاء. لا يرد القدر. القدر الذي له الا الدعاء. سبحان الله! يعني من -

00:07:02

اسبوعين كده او يعني ايام يعني. الواحد اتعرض لحادثة وهو في احد بلاد الصعيد يعني الواحد ماشيين على سرعة حوالي مية وخمسين كيلو او قد تزيد على مية وخمسين كيلو والطرق بتاعة الصعيد مفتوحة ما شاء الله يعني. وفجأة طلع موتوسيكل ما انتاش عارف ده طلع منين - 00:07:22

وحدود علينا حاجة يعني حاجة مباغطة والاخ سبحان الله حب ان هو يفادي الموتوسيكلي بنفس سرعة العربية. العربية كانت هتدخل

على الرصيف الثاني في وش العربيات اللي جاية هي الاخ بيتفادى ويبجيبها الناحية الثانية. يعني انا بابص بعيني في لحزتها لقيت في ترعة احنا رايعين ناحية يعني ترعة او يعني مكان عميق كده وفيه مية على - [00:07:37](#) الطريق العربية اتقلبت ثلاث قلبات ووقفت جنب الترعة بحوالي نص متر او حوالي متر يعني خرجنا من العربية يعني كانك انت كنت جوة والقبر اتفتح ورجعت ثاني. عارف واحد بيقول رب ارجعون والقبر اتفتح ولقى نفسه برة. برة القبر مرة ثانية. والله يا اخوان الواحد فكر سبحان الله! طب يعني - [00:07:57](#)

اللهم لك الحمد. طبعا ربنا كرمه واسع ومن غير اسباب ربنا نعمه عظيمة. انما هل ممكن يكون فيه سبب للي حصل ده يعني لم اجد سبب الا الواحد وهو خارج من بيته قال دعاء السفر المرة دي بالزات بقلب غير اي مرة. يعني كثيرا الواحد يقول سفر اللهم اني اعوذ بك من - [00:08:17](#)

السفر وكآبة المنظر وانت قاعد تشوف الورق بتاعك وقاعد ترتب حالك وقاعد انما المرة دي بالزات الواحد وهو بيقول الدعاء ده حسيت باستشعار غريب كده للمعاني بتاعته قل الكلمات بتاعته حسيت في قلبي كده وانا باقول اللهم اني اعوذ بك من وعشاء السفر وكآبة المنظر سبحان الله! يعني وسوء المنقلب - [00:08:37](#)

في المال والان. يعني يا اخواني الدعاء فعلا لا يرد القدر الا الدعاء. دعوة واحدة صادقة ما تعرفش تعمل في حياتك ايه. ياما لا يرد القدر الا الدعاء. ياما طلبك - [00:08:57](#)

انت هتسقط هتسقط وسجدة سجدتها لربنا ليلة الامتحان. وتوسلت الى الله بالفرج. ربنا كتب لها النجاح. ياما ناس ابتليت بامراض يعني كانت هتبقى مزمنة وكانت هتعمل لهم مشاكل ضخمة جدا في حياتهم ودعوة يا اخواني. دعوة يا اخواني كلمة يا رب دي كلمة غالية اوي اوي اوي. عشان كده هو - [00:09:07](#)

فايه سبب يأس اهل النار في جهنم؟ عارفة عارفين سبب يأس اهل النار في جهنم ايه؟ ان هم هيتحرموا من كلمة يا رب. اهل النار والعياذ بالله هيتحرموا من كلمتين - [00:09:27](#)

الكلمتين دول احنا الوقتي بنقولهم ومش مقدرين قيمتهم. هيتحرموا من كلمة استغفر الله. ممنوع التوبة قفلت انتهت وهيتحرموا من كلمة يا رب. تخيلوا يا اخواني سبب اليأس اللي هم فيه كله ان الكلمتين دول اتحرموا منهم - [00:09:37](#)

في جهنم والعياذ بالله طب احنا دلوقتي نقول استغفر الله العظيم قد ايه ونتوب الى الله العظيم قد ايه ونقول يا رب يا رب يا رب قد ايه لا يرد القدر الا الدعاء. الدعاء ياما دفع مصائب. ياما والله يا اخواني. ياما كل واحد في حياته مشاكل على مشاكل على مشاكل. وفي مشاكل - [00:09:57](#)

خطيرة ودايما يعني بفكر اخواني بالحديس الخطير بتاع النبي عليه الصلاة والسلام. لما لبيد بن الاعصم سحر النبي عليه الصلاة والسلام. السيدة عائشة بتقول لك حتى اذا كان ليلي يعني في - [00:10:17](#)

بيجي لك ليلة كده خلاص الكرب زاد والضيق زاد. والههم زاد والابتلاء زاد وخلاص. ما عادش غير بابك يا رب. ابواب الارض اتقفلت بس ابواب السماء مفتوحة حتى اذا كان ليلة فدعا ودعا ودعا يا الهي يا ربي يا اخواني - [00:10:27](#)

سبحان الله العظيم. يعني احيانا ممكن ربنا يبتليك عشان يستخرج منك كلمة يا رب. كلمة جميلة وكلمة سهلة اعجز الناس. من عجز عن الدعاء اسهل حل الاعظم مشاكل. طب اللي ما هوش قادر ان هو ياخذ بالحل ده بقى يبقى اعجز الناس والعياذ بالله - [00:10:47](#)

مشاكلنا يا اخواني حلها في كلمة يا رب والله من قلب صادق يتوسل الى الله. الدعاء ياما الدعاء يا جماعة انا عايز اكلكمم الليلة عن دعاء عمل ايه؟ يعني الدعاء غير الدعاء حول ناس عادية لائمة من ائمة العصور. ناس عادية خالص اتحولت - [00:11:03](#)

في ائمة من ائمة العصور. ده مين ده؟ مين ده؟ هات ابن عباس. ابن عباس طفل من اطفال الصحابة بس النبي عليه الصلاة والسلام يخصه بانه يقول اللهم فقهه في الدين وعلمه التأويل ابن عباس يطلع اية من آيات ربنا في التفسير. يعني لما كنت بدرس في علم

الاعجاز العلمي في القرآن الكريم. سبحان الله - [00:11:23](#)

لاحزت كنت دايما اشوف مسلا القوة العلمية وتشوف بقى في التفاسير كاقوال المفسرين ايه لاحزت ان اقوال ابن عباس من الف

وربعميت سنة فيها كمية التوافق مع اقوال الحقائق العلمية السابقة في تفسير الايات بصورة غريبة لا يفسرها الا كلمة يا رب من النبي عليه الصلاة والسلام - [00:11:43](#)

لابن عباس يا رب علمنا يا رب. يا رب فهمنا يا رب. يا رب استعملنا لنصرة دينك يا رب. يا رب اصلح لنا شأننا كله يا رب يا رب لا تكلنا الى انفسنا طرفة عين يا رب. ان عباس والله يا اخواني افكر له حاجة يعني من ضمن الحاجات يعني سبحان الله رفع السماوات - [00:12:03](#)

بغير عمد ترونها في اول سورة الرعد. فالمفسرين قالوا ما فيش عمد كثير من المفسرين عباس قال لأ فيه عمد ولكن لا نراه عمد غير مرئية انا عايزك تتخيل بس ان من الف وربعميت سنة كلمة ان السماوات والاجرام والنجوم والكواكب - [00:12:23](#) والحاجات دي كلها متشالة على عواميد بس غير مرئية ده قولي كان غريب قد ايه. يبجي العلم الوقتي يقول لك عواميد واي عواميد في المراجع العلمية المتينة جدا. الواحد نشوفهم يعني يعمل لك كده يقول لك العواميد بتاعة الجازبية دي بقوة مش عارف كذا طن حديد. بقوة مش عارف جازبية آآ كم طن حديد ممغط حاجة غريبة جدا - [00:12:37](#)

عجيب! سبحان الله! بالدعاء! بكلمة يا رب! يعني يفتح علينا في العلم بكلمة يا رب! ابن حجر العسقلاني الامام ابن حجر آآ رحمه الله! اللي الف فتح اخباري شرح صحيح البخاري حاجة كده قد كده او اكبر من كده كمان رحمه الله من اكبر علماء تاريخ الامة كلها في علم الحديث قبل ما يفتح - [00:12:57](#)

العلم ذهب الى مكة وظل ست شهور او عدة شهور يشرب من ماء زمزم ويدعو الله بان يفتح عليه في علم الحديث. ربنا وطحالبه من ائمة العصور في علم الحديث يعني الدعاء حول ناس عادية لائمة من ائمة العصور يا ربي. دعاء يا اخواني - [00:13:17](#) نزل فتح خزائن ربنا لناس وهي في قمة الفقر. عارفين انس بن مالك سيدنا انس اللي امه ام سليم ادته للنبي عليه الصلاة والسلام. من وهو طفل صغير يخدم النبي عليه - [00:13:37](#)

عليه الصلاة والسلام. البيت ده كان فقير جدا يا اخواني. البيت ده كان فقير جدا. النبي عليه الصلاة والسلام دعا على انس قال له ايه؟ اللهم ارزقه مالا وولدا وبارك له - [00:13:49](#)

اللهم ارزقه مالا وولدا وبارك له. انس بيقول لك بعد كده لما كبر بقى بيقول لك فاني من اكثر الانصار ما لا ولي من الولد وولد الولد عنده ميت ابن وحفيد. في حياة عينه. انا بس يعني الاول اجيب لكم بس انس مين؟ انس ده اخواني مش تسمعوا حديث - [00:13:59](#)

ان جه واحد فقير للنبي عليه الصلاة والسلام ضيف. فالنبي دور في بيوته ودور وسط الصحابة ما فيش حد يأوي ضيف رسول الله. فواحد خده ووداه بيته فراح لمراته وقالت له ما فيش - [00:14:19](#)

الاولاد او اكل الاولاد اتفقوا مع بعض ان هم هيطفوا المصباح وهيحطوا الاكل للضيف وهم والاولاد هيناموا من غير عشاء لان ما كانش عندهم غيره يعني هذا القدر من الطعام اه هي دي ام سليم وابو طلحة اللي هم امه وابو انس رضي الله عنه اللي بعد - [00:14:29](#) كده بقى عنده ميت ولد وحفيد وبعد كده بقى من اكثر الانصار ملا بايه؟ بدعوة رسول الله صلى الله عليه وسلم. واشتغل خادم عند النبي كمان عليه الصلاة والسلام. يعني - [00:14:49](#)

بدعوة رسول الله صلى الله عليه وسلم. احد الشباب كان عايز يدور على وزيفة يعني احنا عندنا دلوقتي البطالة اتنين وعشرين في المية تقريبا. يعني ربنا يعافي الشباب يا رب. يعني يعني - [00:14:59](#)

ما كانتش المشكلة في الحكومة اللي فاتت بس ان آآ يعني آآ يعني يلا ايام وراحت احنا بنتكلم عن ربنا سبحانه وتعالى. المهم يا اخواني الشاب بيدور على وزيفة ما هوش عارف يلاقي وزيفة يروح هنا يروح - [00:15:09](#)

هنا ده يعتز له ده يكسفه ده يعني خلاص ما يديلوش حاجة لحد ما والدته مرة قالت له يا ابني انت لفيت على الدنيا كلها يا ابني اقف على باب ربنا الولد - [00:15:19](#)

قلبه فيه خير قام هذه الليلة يدعو الله ويتوسل الى الله واه اه من دعوة التلت الاخير. اه من لما يكون الواحد عنده مشكلة ويقول

يعني ايه منشن كده ليلة يقوم واخذ له ساعة ساعتين دعاء بالليل كده وتوصل الى الله. اه والله يا اخوان على هذا السلاح اللي اخطر سلاح على وجه الارض كلها - [00:15:29](#)

الولد نزل يصلي الفجر بعد هذه الليلة والدعاء لله سبحانه وتعالى لقي واحد جاره بيقول له يا ابني انت لقيت وظيفة ولا لا؟ قال له لسه قال له طب فوت علي الصبح في الشغل راح ما خرجش - [00:15:49](#)

المصلحة الا وهو متعين في هذه المصلحة. سبحان الله العظيم! رزق ربنا سبحانه وتعالى! الدعاء يا اخواني الدعاء مش حل مشاكل الافراد. الدعاء حل مشاكل قومية. قومية ايه يا عم! يا عم الوقت مجلس الشعب بقى والدستور بيتكتب. والدنيا - [00:15:59](#) بقى وهنبداً ناخذ بقى يا اخوانا حل مشاكل قومية. مشاكل امم يعني ازاى؟ النبي عليه الصلاة والسلام لما دخل المدينة المنورة المدينة المنورة يعني كان فيها ازمة حرب اهلية رهيبة. النبي دخل الف ما بين القلوب بعد اربع تيام في اول خطبة جمعة. كان الرومي صايب الرومي جنب بلال الحبشي جنب سلمان - [00:16:18](#)

عمر القرشي جنب آآ ابو ذر الغفاري جنب كله جنب بعضه ايه الاوس جنب الخزرجي! فففيه مشاكل النبي عليه الصلاة والسلام ربنا رزقه انه يحلها فيه مشكلة ما لهاش حل، ولا يوجد في اسباب الدنيا وتا حل. ايه المشكلة ديت؟ بالتعبير الطبي اندمج فيه فر حمى متوطنة في المدينة - [00:16:38](#)

منورة المدينة كان اسمها ارض الوباء. المدينة وسط جزيرة العرب كلها كان اسمها ارض الوباء. الوباء بتاع المدينة المنورة ده ابو النبي عليه الصلاة والسلام هات بي يعني تتخيل يعني ابو النبي عليه الصلاة والسلام من ثلاثة وخمسين سنة - [00:16:58](#) مات بهزا الوباء. ابو بكر وبلال اول ما دخلوا المدينة اصابوا بهزا الوباء. وكان اسمها ارض الوباء حمى متوطنة رهيبة في المدينة المنورة. النبي عليه الصلاة يعمل فيها ايه؟ ما هو يعني هتواجهه دي ازاى؟ في صحيح مسلم ان رسول الله صلى الله عليه وسلم هنا بقى كلمة يا رب بقى ومعجزات كلمة يا رب. دعا اللهم حبب الي - [00:17:14](#)

آآ المدينة وصححها لنا يا رب املاها صحة وعافية يا رب. واذهب حماها الى الجحفة. يا رب ابعد الحب بتاعة المدينة دي عنها يا رب سبحان الله العظيم الى اليوم انتهت قضية حمى المدينة لأ مش بس كده ده يا اخواني المدينة بقى اسمها ايه طيبة او طابا يعني ايه طابا - [00:17:34](#)

يعني ارض الشفاء يعني ايه؟ يعني ارض الوباء بالدعاء صارت ارض الشفاء. سبحان الله العظيم. النبي عليه الصلاة والسلام كان ياخذ تراب كده ويقول تربة ارضنا بريقة بعضنا يمسح بها على مكان الالم عند الصحابي يشفى سقيمنا باذن ربنا فقال لك ان تربة - [00:17:54](#)

المدينة دي شفاء. تراب المدينة ده على احد اقوال تفسير هذا الحديث. شفاء دلوقتي عندنا مرض زي الفشل الكلوي. اعلى نسبة معدل فشل كلوي في العالم كله. عندنا في مصر هنا - [00:18:14](#)

الماية بتاعة الحنفيات ربنا يعافينا يا رب ويعافي المسلمين جميعا. خمسة وثلاثين الف حالة سنوية. حاجة يعني حاجة صعبة جدا. يعني يعني سبحان الله العظيم. طيب احنا عايزين نصلح البلد وو انما يا اخواني لو اي مرشح رئاسة او اي حزب طلع اسلامي او غير اسلامي قال لكم انا احل لكم كل مشاكل مصر - [00:18:24](#)

يبقى ده بيدعي الالهية. لان اللي يقدر يحل كل المشاكل هو ربنا سبحانه وتعالى. مهما البشر عملوا امريكا لو العالم كله مهما البشر عملوا هيفضل في الامم كلها ما تقدرش تحلها نحلها ازاى بقى يا رب بكلمة يا رب والاستسقاء ده مش مشكلة قومية والنبي عليه الصلاة والسلام. الولد جت بالمطر حلها بالدعاء عليه الصلاة والسلام - [00:18:44](#)

بكلمة يا رب يا اخواني الدعاء حل مشاكل قومية الدعاء غير قلوب يا جماعة الدعاء مش يعني انا عايز اقول لك ايه. قلوب يا جماعة. عارف يعني ايه قلبك ده اللي انت نفسك ما تقدرش تتحكم فيه. ولا تسيطر عليه - [00:19:04](#)

يا سلام! يا سلام! مين فينا بس اللي يقدر يتحكم في قلبه! ده الواحد لما بيقرا قول الله قول آآ سيدنا موسى في سورة المائدة قال ربي اني لا املك الا نفسي - [00:19:22](#)

يعني الواحد بيقراً الكلمة دي بيحس ان قلبه ده خلاص بيتفرم كده. يا رب هو فيه واحد ملك نفسه! يعني انا هقوم الليلة دي! هقوم الليلة دي! انا هصوم الشهر ده - [00:19:32](#)

نصوم الشهر ده انا هقعد تلت ساعات اصلي هقعد تلت ساعات اصلي انا مش هقوم غير لما اخلص جزئين قرآن مش هقوم غير لما اخلص انا مين يا اخواني ده ايه ده ده التمكين في القلوب ده - [00:19:42](#)

يعني سبحان الله! ده مقام الانبياء! تخيل بقى الدعاء بيحول القلوب! يا رب اصلح قلوبنا يا رب يا رب اهدي قلوبنا يا رب. يا رب اضئ قلوبنا يا رب. يا رب انر قلوبنا يا رب. يا رب لا تجعل في قلوبنا الاك يا رب - [00:19:52](#)

يا رب لا تجعل همنا الا رضاك يا رب. اللهم انا نعوذ بك من كل رغبة الا اليك يا رب. الدعاء يا اخواني هو اللي يقدر يحل القلوب الرهيبة ده ايه؟ الدعاء تخيل لما النبي عليه الصلاة والسلام قبيلة كاملة اسمها دوس فشئ فيهم الزنا ومشركين - [00:20:08](#)

وعبداء اوسان حاجة يعني بؤس والعياز بالله. بؤس والنبي عليه الصلاة والسلام يرفع ايده ويقول اللهم اهد دوسا واثت به. جاي الصح اه بالطوفان ابن عمرو الدوسي يقولوا ادعوا على دوس يا رسول الله. فان دوسا قد فشئ فيهم الزنا. مشركين زناة. يا رسول الله ارفع - [00:20:28](#)

ايدك وادعي وقل يا رب اخسف بهم الارض. النبي عليه الصلاة والسلام يرفع ايده ويقول اللهم اهد دوسا واتي بهم. الله! ربنا يهدي قلوب بلد كاملة اللهم اهدي اهل مصر يا رب - [00:20:48](#)

اللهم اهد شباب مصر يا رب. اللهم اهد فتيات مصر يا رب. اللهم اهدي رجال ونساء واطفال مصر والامة كلها يا رب. اللهم اهد غير المسلمين كما هديت المسلمين يا رب. الله قادر يا اخواني. لما ام ابو هريرة ابو هريرة داخل على امه كانت مشركة تشتم في النبي وتسب في النبي. يا نهار ابيض - [00:21:01](#)

ده احنا لما سمعنا اللي بيحصل في الدنمارك من شتم النبي عليه الصلاة والسلام جننا دماغنا دي كانت هتنفجر من كتر الغيظ والغل والغضب تخيل بقى ان الرسام اللي بيسيء للنبي عليه الصلاة والسلام في الدنمارك ده ابوك - [00:21:21](#)

ابوك تدخل تلاقيه معلق لوح كده بقى شتم في النبي عليه الصلاة والسلام. ابو هريرة داخل لقي امه بتسب في النبي وبتشتم في النبي عليه الصلاة والسلام. ابو هريرة كانت شخصية عاطفية جدا جدا - [00:21:37](#)

جدا رضي الله عنه جري على النبي يعيط مش عارف يعمل ايه. النبي عليه الصلاة والسلام يدعي لام ابي هريرة يرجع ابو هريرة يلاقي امه على الاسلام وعلى يا اخواني ازاي - [00:21:47](#)

ازاي؟ وربنا يضع له ولامه الحب في قلوب المسلمين جميعا الى هذا اليوم. يعني رضي الله عنه وارضاه. سيدنا ابي هريرة. يا اخواني القلوب بايد ربنا. يعني يعني قلب قلب مين؟ انا مش عايز اقول بقى قلب جوزك وقلب مراتك. وقلب آآ حماك عشان يكتب لك الكتاب - [00:21:59](#)

وقلب اه مش عارف والدك عشان يا اخوانا القضية كبيرة جدا يا اخواني قلوب الكون كله بايد ربنا سبحانه وتعالى. بايد الملك سبحانه وتعالى ياما الشباب يقول لك انا سبب توبتي كلمة يا رب اهديني. عايزين يا جماعة كلمة يا رب دي تخرج من قلب. عارف مين هو ربنا مش يا رب اه يا رب لأ - [00:22:19](#)

معجزات الشفاء بالدعاء ياما الدعاء عمل معجزات في الشفاء. احد الناس يعني اتصل باحد اخوانه فيقول له انا ابني من وهو عنده سنة جا له صرع بييجي له نوبات صرع الوقت عنده اربع سنين عاد بييجي له في اليوم ثلاث نوبات صرع. النوبة ممكن تقعد ساعتين ونص. ده يعني خلاص بقى يعني حالة يعني طفل عنده اربع - [00:22:39](#)

سنين وبهذه التدهور الرهيب في الحالة. سبحان الله! بيقول له انا باقعد اما باعرف ادخل لدكتور كذا ساعة. قال له يا اخي يعني انت بتقعد ثلاث ساعات اما تعرف تدخل لدكتور! طب ما - [00:22:59](#)

في ريع ساعة على باب ربنا. ريع ساعة طبعا يعني في الكرب ده ده طوق نجاة كلمة يا رب. لما تذكر عبد بن عبيد ربنا سبحانه وتعالى بها الراجل بدأ يجتهد في الدعاء - [00:23:09](#)

اتصل بصاحبه ثاني يوم قال له الحالة ما جتش النهاردة غير مرة واحدة. قال له اوعى تبطل كمل واصل ان الدعاء والبلاء ليعتلجان. يعني ايه ؟ قاعدين يتشاكلوا مع بعض. مين اللي هيقوي الثاني ؟ لو الدعاء جاب البلاء على الارض خد بالك مش معناها ان البلاء
اتكسر - [00:23:19](#)

طب كمل كمل عشان يجيبها لمس كتاف بقى يعني سبحان الله العظيم. يعني مسلا يعني ان الدعاء البلاء قال له كمل اوعى تقف اتصل
به بعد ثلاث تيام قال له ما جالوش - [00:23:37](#)

ولا مرة هذه الحالة في هذه الايام. سبحان الله العظيم او في هذه الفترة. سبحان الله يا اخواني الله قادر يا اخواني. الله قادر. ايه
يعني مرض يعني وربنا يشفيه - [00:23:47](#)

معجزات الشفاء من الله سبحانه وتعالى سيدنا زكريا نبي من انبياء الله ربنا ذكر سيرته في القرآن ثلاث مرات الثلاث مرات وهو رافع
ايده ويقول يا رب يا رب ولد. الثلاث مرات كأن ربنا يحب الدعاء. كل هذا الحب سيدنا ايوب آآ عليه السلام لما ابتلي فزوجته بتقول
له يا - [00:23:57](#)

يعني ادعي ربنا. فقال لها كم انعم الله علينا بالرخاء؟ قالت له ثمانين عاما. قال لها فاني استحي ان اطلب ان اطلب تفريج الابتلاء قبل
ثمانين عام. انا ربنا عافاني ثمانين سنة. انا اتكسف ان انا اقول يا رب. قبل كمان ثمانين سنة سبحان الله العظيم يعني - [00:24:17](#)
ان ربنا ارحم الراحمين بعباده. يا اخواني معجزات الشفاء من الله كان احد المهندسين وجا له آآ التهاب رئوي للالتهاب الرئوي تضاعف
الى خراج في الرئة وربنا يعافينا. خراج في الرئة بقى يعني ويعني دخل المستشفى يعني ادمت بقى خلاص يعني اتحجز جوة
المستشفى - [00:24:37](#)

مضادات حيوية مش مضادات حيوية الموضوع طول وايه الحالة بتتدهور بقى هيكل عزمي. هيكل عزمي يعني في مرة من المرات
يعني الدكتور مشي خلاص يعني حالة زي ديت ممكن تموت بقى يعني - [00:24:57](#)
يعني سبحان الله! يعني النواب بتوع القسم مشوا وهو ظل يجار الى الله. ويقول له يا من يجيب المضطر اذا دعاه اشفني يا رب يا من
يجيب المضطر اذا دعا اشفني يا رب. يا من يجيب المضطر اذا دعاه اشفني يا رب. سبحان الله العظيم. يقول لي انا اصابته كحة
خفيفة - [00:25:07](#)

حتى مش ثقيلة خرج زي كتلة صديد كده. ثاني يوم جاي الدكتور بيحط السماعة على الصدر يسمعها. لان الحاجات دي بيبقى لها
صوت بيتسمع بالسماعة ما فيش حاجة الحالة كويسة - [00:25:28](#)
قال له شفاني الله سبحانه وتعالى. ربنا شفاني. الله هو الطبيب سبحانه وتعالى. ياما والله يا اخواني الواحد يرفع ايده كده قبل الفجر
ويقول يا رب هو يبضرب حاجة ومش متخيل يعني ان سبحان الله! والله لا يأتي نور الصباح الا وقد فرج الله. ياما تلاقي الواحد
يسجد او ناس تسجد وتقول - [00:25:38](#)

يا رب والله فلا ترفع رأسك الا وقت الفرج. من الله هي المسألة الثقة بالله سبحانه وتعالى. وتوكل على الله وانا به الى الله سبحانه
وتعالى الدعاء عايزين نقول كلمة يا رب بس بقلب يعني بقلب يا جماعة بقلب يا رب بس من من جوة اوي اوي اوي كده يا رب -
[00:25:57](#)

يا رب اهديني يا رب اشفيني. يا رب وفقني يا رب سدني يا رب اصلحني. يا رب اهد ابني يا اخوانا الدعاء الصح فيه مجهود وضوء
وركعتين وصلاة وتوسل الى الله سبحانه وتعالى - [00:26:16](#)

ربنا سبحانه وتعالى في الحديث القدسي يقول يا عبادي لو ان اولكم واخلركم وانسكم وجنكم قاموا في صعيد واحد. فسألوني
فاعطيت كل واحد منهم مسألة هينقص من ملك الله ايه يعني مخيط دخل في المحيط الاطلنطي. ابرة حطيتها في المحيط
الاطلنطي وطلعت ايه ده! يا جماعة لو مرة بس عرفة احنا بقى لنا - [00:26:31](#)

الف وربعميت عرفات وقفة عرفات من النبي عليه الصلاة والسلام لحد دلوقتي الف وربعميت سنة الف وربعمية اثنين وتلاتين وقفة
عرفات وقفة واحدة بس من السنين اللي فاتت دي بدل ما يقولوا يا رب يقولوا يا امريكا وتتحول دعوات الخمسة ستة مليون اللي

واقفين على خزاين - 00:26:51

امريكا والله امريكا هتفلس في يوميهيها ولا ولا تعرف اصلا حتى تتحول بس الى ايه على امريكا امريكا تفلس ولكن الله سبحانه وتعالى الف وربعمية وقفة عرفات وملايين الدعوات بل يسأله من في السماوات والارض كل يوم وفي شأن. اجابات دعاء الكون كله من الله سبحانه - 00:27:08

وتعالى يا اخواني يعني غمضي عينك كده. غمض عينك كده واسمع قول الله سبحانه وتعالى واخرى لم تقدرُوا عليها. قد احاط الله بها. يعني مرة كنت كنت بصلي يعني زمان وانا طالب في سنة يعني خمسة كده كنت بصلي مع شيخ الشيخ محمد يعقوب ربنا يبارك فيه بنصلي يعني في مسجد كده وراء امام والامام طول قرأ سورة - 00:27:28

فتح فالشيخ بيقول لي بعدها بيقول لي اكرر اية اسرت فيك ايه ؟ فقلت له يعني اكرر اية مش عارف قال لي ما سمعتش قول الله واخرى لم تقدرُوا عليها قد احاط الله بها. يعني شف المقارنة ما بين قدرة - 00:27:50

قدرة الخالق لم تقدرُوا كلكم اجتمعوا ولا تقدرُوا تعملوا حاجة. طب ربنا قد احاط من كافة الوجوه. سبحان الله العظيم قد احاط الله بها الله قادر يا اخواني. الله قادر عزمة ربنا سبحانه وتعالى الرعد ده صوت تسبيح مخلوق من المخلوقات. امال لو ربنا فتح لنا اذننا وسمعنا تسابيح الكون كله - 00:28:06

اعمل ايه نعمل ايه ؟ يعني يا اخواني تخيل لو السبع سماوات ديت اتكشفت كده وشفت مليارات المليارات من الملائكة في السماوات السبعة وهي بتسبح الله سبحانه وتعالى وهي بتتوسل الى الله سبحانه وتعالى. تخيل كده يعني مليارات المليارات من الملائكة وهي تسبح المولى سبحانه وتعالى - 00:28:26

يعني منظر مزهل منظر ده لو دخلت مسجد فيه مليون واحد قاعدين يبكوا من خشية ربنا. الواحد هيرتجي في قلبه من المشهد. او مال مليارات المليارات من الملائكة عزمة ربنا سبحانه وتعالى يا اخواني من الذي بيده ناصية كل شيء؟ الله مين اللي بايده قلبك؟ الله مين اللي قلبك من اصبعين من اصابعه؟ الله - 00:28:47

مين اللي ناصيتك بايده ؟ الله القريب المجيب هو الله. الرحمن الرحيم هو الله. القادر المقتدر هو الله. المجيب الودود هو الله. عشان كده القرآن كله بيقول لك هو الله تيجي في اخر سورة بقى او اخر صفحة سورة الاخلاص قل هو الله. خلاص ما هو القرآن كله - 00:29:07

يخليك توصلك للنتيجة دي قل هو الله. الله سبحانه وتعالى هو اللي بايده كل شيء. هو اللي بايده الفرج سبحانه وتعالى. فيا لعظمة ربنا ومولانا يا فرحتنا بربنا ومولانا. وبكرم ربنا وبعظمة مولانا سبحانه وتعالى - 00:29:27

الدعاء يعني ياما فرج كربات. الدعاء يا جماعة اطفأ نيران. نيران حرايق. ولعة. حرايق واتفضت بالدعاء سيدنا ابو يعني يروى انه كان في المسجد فقالوا له بيتك احترق قامت حريقة في الكمبوند كله بقى والبلوك كله بقى بتاع الايه البيوت اللي في المنطقة ديت احترق ما احترق - 00:29:44

الله ايه السقة دي! بيتك احترق الحريقة ماسكة! ما احترق! الله! النار تاكل البيوت كلها وتسبب بيتها بالدرداء! ليه! فاذا به قد دعا في ذلك الصباح اعوذ بك من شر نفسي ومن شر كل دابة انت اخذ بناصيتها يقين يا اخواني وثقة في الله سبحانه وتعالى - 00:30:04

الدعاء اطفأ نيران القذائف والمدافع والقنابل ايه ازاى بقى الكلام ده في كتاب آيات الرحمن في جهاد الافغان عبدالله عزام الذي نحتسبه او يعني نرجو ان يتقبله الله شهيدا عنده. بيقول لك عبدالله عزام ان هم كانوا يعني في المجاهدين الافغان ايام الاحتلال الروسي - 00:30:24

في مكان من الاماكن وتحاصره بمصفحات الروس مية وعشرين دبابة غير العربيات الروسية وقامت معركة بقى بالرشاشات ما بين الطرفين عبدالله بيقول لك ان نفزت الزخيرة بتاعة المجاهدين للافغان خلاص يعني هيتقتل وهيتأسروا الموضوع يعني ما فيش فيه بقى ما هنا ما فيش غير يا رب قعدوا يتوسلو - 00:30:44

ويستغيثوا بالله سبحانه وتعالى. فاذا يعني بهم يقولون فاذا بالرشاشات بتفتح على الروس. لدرجة ان الروس خلاص ما قدروش ان

هم يقاوموا وينسحبوا من هذا المكان المنطقة كلها ما فيش فيها ولا حد غير هؤلاء المجاهدين يبقوا مين دول يا جماعة غير ملائكة الرحمن سبحانه وتعالى - [00:31:04](#)

معجزات الدعاء يا جماعة في تفريج الدعاء ياما فرج كربات بلا اسباب. يعني احد الدعاة ايام بقى الزلم في النظام السابق يعني الله لك الحمد على النعم العزيمة اللي احنا فيها. والانتخابات والنزاهة حاجة يعني اللهم لك الحمد يعني. يعني هذا الداعية المفروض ان القاضي هيحكم عليه - [00:31:22](#)

يجدد الحبس خمسة واربعين يوم. يعني وهذه المحاكمات طبعاً انتم عارفين يعني الزلم اللي كان فيها والفساد اللي كان فيها. آآ آآ يعني يعني القاضي هل يجدد الحبس خمسة واربعين يوماً وقام كاتب يخلو سبيله. فالكاتب بتاع الجلسة جري ورا القاضي قال له حضرتك انت كاتب يخلص قال له يخلص يقول له ايه لأ - [00:31:42](#)

شطب يجدد الحبس خمسة واربعين يوماً. وقام كاتب يخلو سبيله. الراجل يبص في الورقة الله حضرتك كتبت قال له لا لا لا يخلو سبيله ايه؟ شطب ثاني سدد الحبس خمسة واربعين يوماً والكاتب يخلو سبيله. الراجل بيجري وراه المرة الثالثة قال له هعمل ايه؟ ربنا يريد انه يخلص سبيله. يبقى يخلو سبيله خلاص. الله - [00:32:02](#)

قادر سبحانه وتعالى الله قادر يا اخواني بقدرته. يا اخواني الدعاء حول الوحوش لخدم الوحوش. انا لسة كنت سبحان الله العزيز بتفرج دلوقتي على عرض اسود كده. يعني آآ يعني في مكان يعني من الاماكن كده. الواحد قاعد يتفرج يا اخواني - [00:32:22](#) الراجل دخل في مكان ما فيش فيه اي معصية الحمد لله يعني يعني حاجة بفضل الله ما فيش فيها اي معصية يعني كانت حاجة خاصة شوية يعني. الراجل دخل القفص ودخل معه التسع اسود - [00:32:39](#)

وقاعد يضرب في ده ويعمل في ده ويعدي ده من بين النار. واحنا قاعدين واقفين قلبنا هيقف. الراجل ده يتاكل الوقتي الراجل ده اي اسد من التسع اسويط دول هيتاكل الوقتي سبحان الله العزيز! يعني يعني تخيل الدعاء حول الوحوش لخدم فين الكلام دول مروضين بقى - [00:32:50](#)

انما فين الدعاء حول الوحوش الحوت اللي بلع سيدنا يونس يا اخواني؟ ده وحش يا اخواني الحوت الازرق ده يعني بالمواصفات بقى بتاعة الحوت الرهيب اللي بهزا المنزر الحوت الازرق ده لسانه تمنية طن لسانه. لسانه تمان تلاف كيلو لحمه. يعني يعني ايه تمنية طن؟ يعني يعني - [00:33:07](#)

مش قادرة اتخيلها يعني كم عجل كده اللسان بس لوحده؟ يعني الشريان بتاعه كده ممكن تحط فيه مكتب واباجورة واضاءة في السقف وتقعّد تذاكر وتبقى حجرة حاجة رهيبة بياكل اتنين طن سمك ييفطر باتنين طن سمك. ابنه الصغنطوط كده الحوت الصغنطوط بقى بيرضع طن لبن في الرضعة الواحدة. تخيل الوحش - [00:33:25](#)

ده الوحش ده يتحول لخدام وغواصة بحرية يتجول بها سيدنا يونس في البحار ويسمع تسابيح المخلوقات كلها لا سبحانه وتعالى ويوصله كمان للشاطئ بكلمة يا رب. عندنا يقين في هذا الكلام - [00:33:45](#)

ولا ما عندناش يقين في هذا الكلام مصدقين ولا مش مصدقين؟ مصدقين ربنا ولا مش مصدقين ربنا؟ مصدقين الملك سبحانه وتعالى الله الرب العظيم ذي الجلال والاکرام يا اخواني الايمان ده يعني الايمان ده حاجة في غاية العظمة. الايمان ده بيحول الانسان لحاجة تانية خالص. بيتعامل مع الحياة - [00:34:01](#)

امكانيات تانية خالص بيتعامل مع الحياة بقدرات تانية خالص. الدعاء الدعاء عمل ايه؟ الدعاء يعني انا لا اجد دعوة يحتاجها الشباب في حياتهم مسل دعوة موسى. ربي اني لما انزلت الي من خير فقير. سيدنا موسى يا اخوانا - [00:34:21](#)

مشاكل الشباب ايه؟ عايز وظيفة. وعايز شقة وعايز عروسة لا عنده وظيفة ولا عنده شقة ولا طبعا يعني مش هيدخل البيت يقول له يا عم انت بتشتري راجل لا يا ابني مش عايزين نشترى راجل احنا عايزين بس واحد عنده وزيفة وشقة وبعد كده ان شاء الله نبقي نشترى راجل فتخيل سيدنا موسى ما عندوش اي حاجة ويقول ربي - [00:34:40](#)

لما انزلت الي من خير فقير في خلال دقايق اني اريد ان انكحك احدي ابنتي هاتين ادي جوازة يا ابنتي استأجروا ان خير من

استأجرت القوي الامين ادي وظيفه وكمان سكن ده ده جوازة بالسكن كمان يا اخواني الله قادر. الله قادر يعني لما شاف دلوقتي كده
يدمن بقى دعوة رب - [00:35:00](#)

باني لما انزلت الي من خير فقير. الله! الله! دعوة حلت كل مشاكل الشباب. ربي اني لما انزلت الي من خير فقير الدعاء يا اخواني نزل
ملايكة السماوات يعني بيروى في الكتب ان يعني واحد يعني اسمه ابا معلق ابو معلق يعني كان في الصحراء وطلع عليه
لص دمك هقتلك واحد - [00:35:20](#)

مالك؟ قال له طب خد مالي وسبني. قال له لا قلت لك واحد يعني زي البلطجة اللي احنا بنشوفها دلوقتي كده هاققتك واحد فلوسك.
ما انت ممكن تديني فلوسك وبعد كده تدل علي وتقول فلان انا عارفه - [00:35:44](#)

هقتلك. قال له طب سبني اصلي صل مش مشكلة. الراجل توضأ صلى وقال يا ودود يا ودود يا ذا العرش المجيد يا فعال لما يريد يا
من عزك لا يضام. يا من ركنك لا يرام. يا من ملأ نورك اركان عرشك. يا مغيث اغثني. يا مغيث اغثني - [00:35:54](#)

فاذا يعني رجل بيأتي على فرس يقتل ذلك خلاص انت مين؟ قال له انا ملك من ملائكة السماء الرابعة. سمعت قعقعة فقيل هذا
مكروب يتوسل الى الله فتضرعت الى الله ان يأذن لي ان انقذك يا اخواني ده الكلام اللي انت بتقوله ده غريب كده بقى ويعني
موجود في الكتب طب ما ده في القرآن موجود في - [00:36:15](#)

القرآن فين؟ اذ تستغيثون ربكم فاستجاب لكم اني ممدكم بالف من الملائكة مردفين. يعني حاجة سبحان الله العظيم حاجة اهو
الملايكة بتتنزل بكلمة يا رب كلمة يا رب دي كلمة آ خطيرة جدا وكلمة عظيمة جدا الدعاء حول ناس عادية لا ائمة من ائمة العصور.
الدعاء يا اخواني فتح - [00:36:35](#)

ابواب خزائن الرحمن وافاض منها على آآ عباد الله الفقراء الى الله سبحانه وتعالى. الدعاء حل مشاكل قومية زي مشكلة الحمى حطنا
في المدينة المنورة اللي ما كانش لها حل طبي في ذلك. الزمان - [00:36:58](#)

الدعاء يعني يعني يدفع السحر والحسد. احنا كلمة فدعا ودعا ودعا لما لبيد ابن الاعصم سحر النبي عليه الصلاة والسلام. يعني انا
معمول لي سحر انا معمول لي حسد انا - [00:37:13](#)

وتقول يا رب قل يا رب الله قادر يا اخي استدفع الضر بحول الله وقوته. استدفع الضر بالله. استدفع الضر بالله. استنزل الفرج بالله ما
تعرفش يا اخي تترك على تقرر ابواب السماء ويتنزل الفرج من الملك سبحانه وتعالى اليك. القضية يا اخواني ان احنا - [00:37:23](#)

يعني ندعي ربنا ندعي ربنا صح. نتوسل الى الله صح. كان فيه واحد مريض بقى له تلتاشر سنة مريض لف على كم دكتور. راح كم
مستشفى خد كم دواء؟ جرب كم رويشنة وكم علاج؟ يعني اخر دكتور جا له بيقول له يا دكتور يعني في امل يا دكتور؟ قال له ما
فيش - [00:37:45](#)

امل غير في ربنا سبحانه وتعالى. يعني الراجل بيقول له الدعاء يا ابني. ذلك الشاب يعني قعد ذلك الاسبوع يدعو الى الله. ويتضرع
يتوسل ويلج على الله سبحانه وتعالى. يعني الطبيب بيزوره بعد اسبوع لقاه معافى تماما. يا اخواني انا عايز اقول لك ان ابتلاء تلتاشر
سنة - [00:38:05](#)

باسبوع دعاء يروح يا اخوانا يا اخوانا انا مش بقول ما ناخدش باسباب الارض ما باقولش هو مين اللي مش هياخد باسباب الارض ده
حرام ده لا يجوز اصلا انما يا اخواني كثير من مشاكلنا اسباب الارض عاجزة عنه. ولما الفرج بيبجي من عند ربنا يا سلام! يا سلام لما
ربنا بينزل الفرج من عنده. بيبجي الفرج - [00:38:25](#)

بقى على قدرة الله سبحانه وتعالى وعلى كرم ربنا سبحانه وتعالى مش على عطاء السبب على عطاء المسبب سبحانه وتعالى. يعني
يعني عايزين نتعلم يا اخواني ادعية جميلة اوي اللي بتهمز قلب الواحد دعاء النبي عليه الصلاة والسلام دعاء بحيس ان احنا محتاجينه
اوي اوي اوي. لما النبي عليه الصلاة والسلام يقول يا حي يا قيوم - [00:38:45](#)

برحمتك استغيث يا حي يا قيوم برحمتك استغيث. عايز ايه بتطلب ايه؟ اصلح لي شأني كل واحد يقول لك يا شأني كله. يعني طلب
مش كثير شوية. يا اخوانا حنة زرة تراب كده. وبتقول لك صلح لي كل اموري. ما تعرفش تصلح لها كل - [00:39:06](#)

ده الكرة الارضية دي حته زرة تراب تائهة كده في وسط الكون كله. يعني يا اخوانا ربنا قادر اصلح لي شأني كله ولا تكنني الى نفسي في طرفة عين. يعني انا عايزك تشوف النبي بيقول ايه. بيقول له يا حي يا قيوم يا من انت قائم على كل شيء. افمن هو قائم على كل نفس - [00:39:26](#)

يا من انت قائم على كل شيء اسألك برحمتك التي وسعت كل شيء برحمتك استغيث. ان تصلح لي كل شيء. اصلح لي شأني ولا تكنني الى نفسي التي افسدت علي كل شيء. يعني الدعاء ده يا حي يا قيوم برحمتك نستغيث - [00:39:46](#)
اصلح لنا شأننا كله ولا تكلنا الى انفسنا طرفة عين بنقول لربنا ياه من انت قائم على كل شيء اسألك برحمتك التي وسعت كل شيء. ان تصلح لنا كل شيء. ولا تكلنا الى انفسنا التي افسدت علينا كل شيء - [00:40:09](#)

ادعية جميلة كنوز يا اخواني كنوز يعني كنز مليار جنيه ولا الدعاء ده ؟ مليار جنيه ولا النبي عليه الصلاة والسلام كان يعلمنا الدعاء ده ؟ والله العزيم الدعاء ده اغلى من مليارات الدنيا. المليارات هتيجي وهتروح - [00:40:29](#)
ويعني ملوك الدنيا لما جا لهم سرطانات عرفوا يعملوا ايه مع الدعاء في حين ان عبيد تذللوا الى الله وعندهم سرطانات في الروضة ولا في الكعبة ولا شرب ماء زمزم وربنا شفاهم. يا اخواني كلمة يا رب دي اغلى من اموال الدنيا. والباقيات الصالحات خير عند ربك ثوابا - [00:40:42](#)

وخير ام لا. خير املا. يعني الامل اللي ببيجي في قلبك بعد كلمة يا رب. اكثر من الامل اللي يجي في قلبك وانت عندك رصيد في البنك بالملايين اكثر من الامل اللي يجي في قلبك وانت عندك ابراج اكثر من الامل اللي ببيجي في قلبك وانت عندك الواحد وهو جاي كده يعني قاعد يفكر يا سلام! لو الواحد يغمد - [00:41:02](#)

عين جسده عن الدنيا واللي فيها. ويفتح عين قلبه على جلال ربنا في ملكوت السماوات. ويفتح عين قلبه على افعال الملك عظيم في الكون لو الواحد يا اخواني يعني احنا قلوبنا مليانة حاجات غريبة والله يا اخوانا ولا تضيع عمري. تضيع عمري عشان كده - [00:41:22](#)

شف بقى الدعاء هو دعاء وثناء في نفس الوقت. النبي عليه الصلاة والسلام سمى ده افضل الدعاء. وفي نفس الوقت ده ثناء ما فيش بعد كده. ايه بقى ايه ده! لا اله الا الله - [00:41:41](#)

الله وحده لا شريك له. له الملك وله الحمد وهو على كل شيء قدير. برضه يعني وانا كنت لسة برضه في كده واول ما اتعرفت على يعني الشيخ امين الشيخ امين الانصاري طبعاً من شيوخى ربنا يبارك فيه ويحفظه. فيعني اول من تعلمت منه اتكلم عن ربنا واسمع ربنا ربنا يحزبه كل خير. آآ - [00:41:51](#)

يعني عني آآ يعني مرة بسأله كده والواحد بقى قاعد يعني يتلمس كده بالعافية. الطريق يعمل ايه؟ طب يقرب من ربنا ازاى؟ طب يعني ايه معاملة ربنا؟ طب يعني ايه معرفة - [00:42:13](#)

ربنا طب يعني ايه؟ ازاى الواحد قلبه يخشع في ذكر ربنا؟ طب يعني حاجات بقى انت بتتلمس طريق كده يعني كانه مفتوح قدامك لاول مرة فبقول له انا شيخ امين احب زكر اليك ايه؟ وانا متوقع انه يقول لي مسلاً حاجة تكون سريعة وصغيرة. فقال لي احب الذكر الي. آآ والله وهسيبه طبعاً يعني ولو زكي الله احدا. قال لي احب الذكر الي - [00:42:23](#)

لا اله الا الله وحده لا شريك له. له الملك وله الحمد وهو على كل شيء قدير فانا استغربت لان الزكر ده بالزات كان تقيل على قلبي. الازكار الطويلة عموماً يعني ثقيلة على قلبك يا قل لها طب استشعرها ازاى طب طب مرت الايام يا اخواني والله ولا يوجد - [00:42:43](#)

فعلى وجه الارض احب الي من هذا الذكر وانت بتقول لا اله الا الله وحده تحس كده ان واحدة دي يعني يا رب المفروض ان ما يبقاش في قلب غير الله واحدة. المفروض ان ما يبقاش - [00:43:00](#)
وجهة غير الله واحدة المفروض ان ما يبقاش في حياتي غير الله واحدة واحدة واحدة دي تحس ان الكلمة بتدبح الدنيا من قلبك. بتدبح المخلوق من قلبك. بتدبح التعلق بكل شيء. سوى الملك الله سبحانه وتعالى من - [00:43:14](#)

لا اله الا الله وحده. وبعد كده لا شريك له. اوعى تفتكر ان فيه حد معه يقدر ينقذك. او ينجيك او يرفعك او يفرج كربك او يوصلك او يهديكي او يستعملك او يستخدمك. يا اخواني لا شريك له. ما فيش شريك له - [00:43:29](#)

في افعاله في حياتك ولا في الكون كله. له الملك يا اخواني مش له الملك في الكون بس. لأ ده كل ذرة من زرات يا رب لك الملك فيها وحدك. ما فيش ملك فيها غيرك. ما بتتألقش لحد غيرك له الملك. و مش الملك له - [00:43:49](#)

في البداية تدانا في اللغة يعني تقديم الضمير هنا يدل على الاختصاص له الملك. يعني له وحده مش لاي حد ثاني يعني كل ذرة من زرات قلوبنا دي ملكوت لربنا وحده. سبحانه وتعالى - [00:44:09](#)

اليمن على العرش استوى. ملكا على كل الملوك الملك ملكك انت وحدك لا شبيه ولا شريك. عجزت عقول الخلق عنك. وكلهم قد ايه العظمة دي! وايه الجلال ده! لكن بظل الحب تأله كالقلوب وترتجيك - [00:44:25](#)

يمن على العرش استوى عرش الكون وعرش قلوبنا يا اخوانا وعرش كل ذرة من زرات قلوبنا لا اله الا الله. لا شافي الا الله لا رازق الا الله لا حول الا بالله. لا قوة الا بالله. لا شفاء الا شفاء الله. لا عيش الا عيش الآخرة في جوار الله. يا اخواني - [00:44:49](#)

الله سبحانه وتعالى لا اله الا الله. لا رزاق الا الله. لا شافي الا الله. لا هادي الا الله. لا معطي الا الله. لا قادر الا الله. لا عليم الا الله. لا - [00:45:09](#)

مهيمن ان الله لا قيوم الا الله. لا اله الا الله وحده قلبك كله اتجمع في وجهة واحدة. حياتك كلها بقت في وجهة واحدة بكلمة واحدة دي. واحدة دي لو قعدنا نجاهد فيها كده في جلسات الضحى. جلسة ورا جلسة ورا جلسة تعيش معها شف بقى قلبك لما يتفتح على معنى واحدة انا - [00:45:19](#)

يبقى قلبك ما فيش فيه دنيا ما فيش فيه حاجة من هذه الاشياء الزائلة الفانية الحقيرة كلها ما فيش في قلبك غير ربنا سبحانه وتعالى. وحده لا شريك له لا شريك له. له الملك وله الحمد. له الحمد دي يعني يعني ايه؟ لها معنيين. له الحمد يعني نحمد ربنا بس. انما لها معنى ثاني جميل اوي - [00:45:39](#)

يعني ما فيش حد السناء بتاعه له قيمة غير ربنا ما حدش السناء بتاعه له قيمة غير ربنا. يعني ايه؟ يعني انا راجل مسلا بادعو الى الله، ادبت الدرس. واحد يقول لي والله الدرس ده كويس. واحد يقول لي والله الدرس ده مش كويس - [00:46:01](#)

واحد يقول اه ده الخطبة بتاعة النهاردة كانت مش عارف ايه. ولا لها قيمة ولا ثناء المخلوق له قيمة ولا مدح ولا ذنب له قيمة. ليه؟ له الحمد الوحيد اللي ثناؤه له قيمة هو ربنا سبحانه وتعالى. عشان كده - [00:46:18](#)

ربنا يدربنا او يعلمنا هذا هذا المفهوم الخطير يقول لك ايه؟ ذلك اليوم الحق. فمن شاء اتخذ الى ربه ما به. يعني ذلك اليوم الحق قال لا يا رب يعني يعني كل الايام الثانية باطلة - [00:46:33](#)

يعني اه يعني انت دلوقتي مسلا طالب مستني يوم الامتحان. كل ما يذاكر يفتكر الامتحان قلبه يوجل ويخاف ويقلق ويضطرب. يا ابني كل مشاكل الامتحان دي ولا حاجة. انت لو افتكرت مشاكل الآخرة يوم القيامة وانت عارفه قلبك المفروض يتفطر. يتفطر ذلك اليوم الحق. هو ده اليوم اللي - [00:46:43](#)

فعلا يستاهل الناس تعمل حسابه. هو ده اليوم اللي يستاهل ان الناس تخاف منه وتقلق منه وتستعد له. وتعمل حسابه وتأمين مستقبلها فيه. يعني ربنا سبحانه وتعالى فيه اول سورة الاعراف يقول لك الوزن يومئذ الحق - [00:47:03](#)

يعني ايه الوزن يا اما اذا الوزن يوم ازن الحجر؟ يا اخواني يعني يعني سبحان الله العزيم يعني في والوزن بازن الحق في الدنيا في موازين باطلة كتير جدا. ممكن واحد بسبب فلوسه بقى له قيمة. ممكن واحد بسبب شهادة بقى له قيمة - [00:47:17](#)

ممكن واحد بسبب وسامة بقى له قيمة. ممكن واحد بسبب فصاحة بقى له قيمة. ممكن واحد بسبب نسب بقى له قيمة. ممكن واحدة بسبب جمال انما ممكن واحد بسبب فقر ما لوش قيمة في الدنيا. ممكن واحد بسبب مرض ما لوش قيمة في الدنيا. ربنا بيقول لك ذلك والوزن يومئذ الحر هو - [00:47:33](#)

ده الوزن الحقيقي. كل الناس هتعرف قيمة كل واحد بحق وحقيقي ووزنه بحقيقي. على الميزان الوزن الحقيقي. الوزن الايه؟ اللي

بحق وحقيقي بقى مش الباطلة بتاعتكم. فلما ربنا سبحانه وتعالى يعلمنا لا اله الا الله. النبي عليه الصلاة والسلام طبعاً عليه الصلاة والسلام لا اله الا الله وحده اله ديت الا - [00:47:53](#)

الله الله دي جاية من ايه ؟ الله ديت يقول لك اله الفصيل الى امه. يعني كان زمان لما المهر الصغنطوط بقى عايزين يفصلوه عن الحصانة بقى اللي هي مامته يعني. عايزين يفصلوه عنها - [00:48:13](#)
هيقوموا يحبسوه في خيمة كده ويبعدوا مامته بقى تشتغل وهو يتعود انه بعد عنها. فيقوم المهر الصغنن يشتاق لاهه اوي ويشتاق ان هو بقى يمسح راسه فيها كده وتحضنه ويبقى جنبها - [00:48:23](#)

فيقوم يقعد يسهر الصهيل ده سموه التاله او الوله او اولها الفصيل او اله الفصيل الى امي مش قادر بينادي عليها مشتاق لها.
المفروض ان مهر قلبك يظل يسهر ليل نهار. شوقا الى الله. انا - [00:48:36](#)
الوقت والوقت والمهر داخل قلبي ببسهر شوقا الى الله. انت قاعد دلوقتي بتتفرج ومهر الشوق داخل قلبك ببسهر شوقا الى الله انت وسط الدنيا وسط المال وسط تحصيل الاسباب. وانت مع زوجتك وانت والقلب ببسهر المهر ببسهر شوقا الى الله. لا اله - [00:48:56](#)
الا الله. كلمة كلها حب وحده لا شريك له. له الملك وله الحمد وهو على كل شيء قدير. الكلمة الغالية اوي دي اوي اوي اوي. وهو على كل شيء قدير ديت يعني سيدنا يوسف يعني ظل كم سنة في - [00:49:16](#)

ويطلع يعني اخواني الكلمة دي وعزير دفع مية سنة من عمره عشان يوصل في الاخر يقول فلما تبين له قال اعلم ان الله على كل شيء قدير المعنى ده لما دخل قلب ابراهيم وقف دخل النار وما هوش خايف وقف في وش النمرود وهو مش خايف وهو على كل شيء قدير. يا سلام يا رب! يا سلام! اليقين جميل اوي يا اخواني - [00:49:36](#)

اليقين ده اعظم نعمة من نعم ربنا سبحانه وتعالى على عباده. انك انت تبقى موقن كده ان لا كرب وهناك رب. ايه المشكلة يعني وربنا معنا؟ ربنا موجود وربنا وربنا رحيم. وربنا حيي كريم يستحي. اذا رفع احدكم يده اليها ان يردهما صفرا - [00:49:56](#)

طب ما نرفع ايدينا كده بقى. ونقول اللهم فرج كرباتنا. اللهم اصلح احوالنا. اللهم يا رحمن يا رحيم يا قريب يا مجيب. يا رحيم يا ودود يا حي يا قيوم. برحمتك نستغيث. اصلح لنا شأننا كله. اصلح لنا - [00:50:17](#)

شأننا كله ولا تكلنا الى انفسنا طرفه عين يا رب ولا تكلنا الى انفسنا طرفه عين يا رب. لا اله الا الله وحده لا شريك له. له الملك وله الحمد وهو على كل شيء قدير. اللهم استعملنا ولا تستبدلنا. اللهم تب علينا توبة ترضى بها عنا - [00:50:37](#)

ارض عنا. ارض عنا اشفنا يا رب عافنا في ابداننا يا رب عافنا في ابداننا يا رب. اللهم فرج كرباتنا. اللهم ادي الدين عن المدنيين. اللهم اشف مرضانا ومرضى المسلمين - [00:51:04](#)

اللهم اهد قلوبنا اجمعين. اللهم انزل هدايتك على اهل مصر على قلوب شبابها يا رب وفتياتها يا رب ورجالها ونسائها واطفالها يا رب اللهم يا ربنا اللهم يا مولانا اللهم انصر دينك واعز اوليائك. اللهم اذن لدينك ان يسود - [00:51:23](#)

واذن لشرعك ان ينتصر. ربي انا مغلوبون فانتصر. ربي انا مغلوبون فانتصر. اللهم مكن لنا في انفسنا. اللهم اقمنا على اللهم لا تجعل في قلوبنا الاك - [00:51:47](#)

ولا تجعل همنا الا رضاك ولا تجعل رغبتنا الا اليك ولا تجعل توكلنا الا عليك واملاً قلوبنا حبا لك يا رب يا رب العالمين. اللهم نجح طلابنا جميعاً يا رب. اللهم نجحهم في امتحانات الدنيا والاخرة يا رب العالمين. انك ولي ذلك - [00:52:07](#)

والقادر عليه ربنا يبارك فيكم يا اخواني وربنا يجعل دينه دايماً من نصر الى نصر. وربنا يعني يفتح قلوب عباده. وربنا يستعملنا لنصر الدين وفي الارض. انه ولي ذلك والقادر عليه. اقول قولي - [00:52:30](#)

هذا واستغفر الله لي ولكم. سبحانك اللهم وبحمدك اشهد ان لا اله الا انت. استغفرك واتوب اليك وجزاكم الله خيراً في خلواتي. اونلاين في - [00:52:43](#)